

Saubermacher Dienstleistungsaktiengesellschaft (<https://saubermacher.at>) je međunarodna kompanija za zbrinjavanje i reciklažu otpada sa sjedištem u Feldkirchenu kod Graza. Osnovana 1979. godine, zapošljava preko 3.800 ljudi u 8 zemalja i sarađuje sa 1.600 opština i 42.000 firmi. Kroz viziju „Zero Waste“, te digitalne inovacije poput „wasteboxa“, fokusira se na održivost, kvalitet i regionalni pristup. Partner je u 19 javno-privatnih projekata u Centralnoj Evropi. **Traže saradnju sa opštinama** ili udruženim opštinama sa 20.000 do 100.000 stanovnika radi unapređenja zbrinjavanja otpada i cirkularne ekonomije prema EU standardima. Saubermacherov model JPP donosi bolji životni standard, očuvanje životne sredine i efikasnije budžetiranje za lokalne zajednice.

Marketingervice Thomas Mikscha GmbH (www.mstm.at) je stručnjak u oblasti porodičnog marketinga, te preko 30 godina sarađuje sa predstavnicima vlasti, opština i privrede. Uveli su „porodične kartice“ za popuste u trgovinama, ugostiteljstvu i rekreativnim centrima u Austriji, Italiji, Njemačkoj i Češkoj. Obezbjedjuju poklon pakete za novorođenčad u svakoj trećoj opštini u Austriji. Pored akvizicije partnerskih preduzeća, zaduženi su i za grafičku realizaciju porodičnih kataloga i razvoj aplikacije. Izrađuju turističke magazine sa vlastitim digitalnim platformama, vodiče za seniore, razvijaju koncept za proizvode i usluge itd. Traže kontakt sa **opštinama, turističkim organizacijama, nadležnim institucijama za porodicu i penzionere**.

SCHIEBEL Antriebstechnik GmbH (<http://www.schiebel-actuators.com>) je proizvođač električnih i sigurnosnih aktuatora, koji primjenu nalaze kako u infrastrukturi (**vodovodni i kanalizacioni sistemi, sistemi daljinskog grijanja, elektrane, nafta i gas**) tako i u industriji. Kompanija pruža rješenja automatizacije za zahtjevne industrijske primjene, posebno u **energetskom** i infrastrukturnom sektoru. Opslužuje kupce širom svijeta i pruža podršku u automatizaciji ventila i kontroli procesa u kritičnim okruženjima. Kompanija je otvorena za saradnju sa lokalnim partnerima iz oblasti **projektovanja postrojenja** radi lakšeg pristupa i dugoročnog prisustva na tržištu.

BAUR GmbH (<http://www.baur.eu>) proizvodi opremu za testiranje i mjerenje elektroenergetskih kablova, za lociranje kablovskih kvarova, kablovsko ispitivanje i dijagnostiku, kao i za ispitivanje izolacionih ulja. Preko 70 godina su prisutni na tržištu širom svijeta i u svom asortimanu nude preko 120 proizvoda u skladu sa međunarodnim standardima. Traže kontakt sa predstavnicima **distributivne i prenosne mreže, vodosnabdijevanja**, kao i nadležnima za **energetsko snabdijevanje u industriji** (rudnici, metalurgija, aerodromi, itd.)

PANCONTROL (www.pancontrol.at) je brend porodične kompanije sa sjedištem u Beču koji nudi praktične, inovativne i profesionalne mjerne instrumente. Nude širok portfolio i konkurentne cijene, te traže kontakt sa **marketima i veleprodajama elektro materijala**.

voestalpine Krems Finaltechnik GmbH (<http://www.voestalpine.com/kremsfinaltechnik>) je specijalizovan za efikasna rješenja u oblasti sigurnosti na cestama i visokoregarnih skladišta. Za klijente širom svijeta razvijaju, proizvode, isporučuju i montiraju čelične sisteme za zadržavanje vozila (VRS, poznati i kao zaštitne ograde za ceste i mostove, vodiče, jastuke za sudare i završne dijelove). Zaštitni jastuci i terminali dopunjuju ponudu. Sarađuju s različitim **distributerima**, te traže nova partnerstva i mogućnosti saradnje, kao i strateške partnere iz **metalne industrije**. Takodje je poželjan kontakt sa **gradjevinским firmama i projektantskim kućama**.

Rösler Oberflächentechnik GmbH (<https://www.rosler.com/en/>) nudi širok portfolio mašina za površinsku obradu kako 3D tehnologijom štampanih dijelova tako i za trolovanje i sačmarenje odnosno pjeskarenje. Vodeći je međunarodni proizvođač kompletnih rješenja za vibraciono poliranje i pjeskarenje, sisteme za lakiranje i konzerviranje, industrijske perilice, kao i sredstva za efikasnu obradu površina (uklanjanje srha, oksida i pijeska, poliranje, brušenje) od metala i drugih materijala. Sve komponente se razvijaju i proizvode interno. Postrojenja za odgratanje plastike i metala od strane Röslera predstavljaju najviši kvalitet, ekološki prihvatljivu obradu površina te ekonomski i tehnički najisplativija rješenja. Traže kontakt sa firmama iz oblasti **prerade metala i plastike**.

SEMA Maschinenbau GmbH (www.sema-maschinenbau.com) je specijalizovan za proizvodnju mašina za obradu materijala, sistema za uklanjanje srha, industrijskih sistema za pranje i integrisanih automatizacionih rešenja. U oblasti mašina za obradu proizvode postrojenja za obradu krajeva, rotacione transfer (Rundtakt) sisteme i specijalne mašine po zahtjevu kupca. Traže **dobavljače za mašinsku obradu** struganjem (Ø10–300, max. dužina 600 mm), glodanjem (max. X 500 Y 500 Z 500), zavarivanjem (konzole min. 500×300×300, max. 1500×900×800 profilne cijevi max. 6000×3000×1000 mm i za lijevane dijelove (sferoidni liv GJS 400-15, min X 500 Y 300 Z 300, max. X 1300 Y 750 Z 750, kao i potencijalne kupce mašina i/ili automatizacionih rješenja.

Stiwa Advanced Products GmbH (www.stiwa.com) je međunarodni vodeći stručnjak za proizvodnju i automatizaciju i vaš partner kada je riječ o inovativnim proizvodnim rješenjima, od ideje do serijske proizvodnje. Traže **dobavljače i partnere za mašinsku obradu** (lasersko zavarivanje, zavarene konstrukcije, montaža jednostavnih sklopova, CNC obrada, obrada plastike brizganjem i dubokim izvlačenjem/termooblikovanjem, automatizacija postrojenja, proizvodnja industrijskih postrojenja i izrada testnih modula).

STYX Naturcosmetic GmbH (www.styx.at) sa preko 50 godina tradicije u proizvodnji certificirane organske kozmetike za njegu kože, tijela i kose. U ponudi imaju proizvode za maloprodaje, kao i profesionalne linije namijenjene spa centrima. Takođe u ponudi imaju i organsku čokoladu. Traže saradnju sa predstavnicima **drogerija, apoteka, bio shopova, wellness hotela, spa salona i veleprodaja**.

Rail Cargo Logistics - Austria GmbH (<http://www.railcargologistics.ba>) je vodeća kompanija za željezničku logistiku od Evrope pa do Azije. Pružaju usluge za sve oblike logistike. Zahvaljujući kompanijama u dvanaest evropskih zemalja, sopstvenim terminalima i logističkim centrima, voznom parku i osoblju u 15 zemalja, većina transporta je u njihovim rukama. Traže kontakt sa **izvozniciima i uvozniciima**, kompanijama sa potrebom za željezničkim transportom, sa potrebom za skladištenjem u Sarajevu, špedicije i logističke kompanije radi širenja mreže.